



Broj: 11-05-38-1373-1/15
Sarajevo, 18.02.2016. godine

SKUPŠTINA KANTONA SARAJEVO

PREDMET: Odgovor na zastupničku inicijativu Marija Vukasovića, zastupnika u Skupštini Kantona Sarajevo, br: 01-05-1373/16 od 02.02.2016. godine, *dostavlja se*

PITANJE: Zastupnik u Skupštini Kantona Sarajevo Mario Vukasović, na Jedanaestoj Radnoj sjednici Skupštine Kantona Sarajevo održanoj 02.02.2016. godine, u okviru tačke Dnevnog reda „Poslanička pitanja, inicijative i odgovori“, pokrenuo je zastupničku inicijativu da se sačini službena i detaljna analiza o stanju zaposlenosti mladih u Kantonu Sarajevo.

ODGOVOR:

Ministarstvo za obrazovanje, nauku i mlade, kao ministarstvo koje je zaduženo za koordinaciju pitanja mladih Kantona Sarajevo, pokrenulo je proces izrade Strategije za mlade Kantona Sarajevo za 2016. godinu, na nivou Vlade Kantona Sarajevo, u skladu sa članovima 11. i 25. Zakona o mladima Federacije Bosne i Hercegovine (Službene novine FBIH“ br. 36/10).

Strategija za mlade je dokument institucija vlasti sa programskim pristupom djelovanja prema mladima, što uključuje definirane probleme i potrebe mladih, strateške pravce djelovanja prema mladima, te ciljeve strategije i mjere za realizaciju ciljeva strategije. Program djelovanja za mlade je program koji kreiraju institucije vlasti u saradnji sa omladinskim sektorom na osnovu stručnog istraživanja i strategije prema mladima, te sadrži jasno definisane potrebe, način rješavanja problema, ciljeve, željene rezultate, aktivnosti, vrijeme provođenja, budžet i odgovorne subjekte, radi poboljšanja položaja mladih u određenoj oblasti.

U skladu s tim, programi djelovanja za mlade na nivou Kantona Sarajevo putem Strategije za mlade će se odnositi na sljedeće oblasti: *obrazovanje, profesionalno osposobljavanje, usavršavanje i cjeloživotno učenje, zapošljavanje i preduzetništvo, socijalna zaštita i uključivanje, volonterizam, zdravlje i zdravstvena zaštita, aktivno sudjelovanje mladih u društvu, kultura i mladi, te mladi u globalnom okruženju i dr.*



Takođe, na osnovu istraživanja koje će se sprovesti o problemima i potrebama mladih na nivou Kantona Sarajevo, uslijedit će definiranje mehanizama, odnosno mjera kojima će se efikasno poboljšati status mladih u navedenim oblastima.

Shodno tome, svakako da će se u postupku izrade Strategije za mlađe sačiniti detaljna analiza o stanju zaposlenosti mladih Kantona Sarajevo i pronaći najefikasnije politike i programi zapošljavanja mladih, identifikovati problemi i potrebe tržišta rada te mogućnosti zapošljavanja mladih.

S poštovanjem,



Dostaviti:

1. Naslovu,
2. a/a

